



Шорго эл, нурулук да гун берр!

9 (3241) №,
2016 ий 27 февраль,
шуматкече.

ЯМДЕ ЛИЙ

1933 ий 1 февраль годсек лектеш.

0+

Тазалык шерге мыланна, сандене спорт – сай йолташна

Еш альбом гыч налме фото.



Морко район Вончюдър ял воктенысе пүртүс эсогыл його ефымат сымыстара. Ял йыр чапле курыкла, кожер да пүнчер шкешт деке шупшыт, ечым чияш үжыт. Мыят шүжарем да икшывем-влак дене ик кечын ачанан сонарыш коштмо лопка ечыже-влакым нална да пакча шенгелысе пүнчер могырыш лупшалтна. Сурторолнат пеленак пижын мийыш (снимкыште). Яндар южым шүлен, йоча жапым шарналтен, ече дене шер теммеш коштна.

И.В.НИКИТИНА.

Йошкар-Ола.

Ошкылым ышташ полша

«Ямде лий» газетыште йоча-влакын серымышт ятыр савыкталтеш. Вес школлазе үдыр-рвезе-влакын тунеммышт, могай конкурсышто сенымашыш шумышт нерген пален налаш лиеш. Газет заметкым возкалымаште икымше ошкылым ышташ полша. Сандене «Ямде лийым» пеш йоратем.

Алина КУЗНЕЦОВА,
8-ше класс.
Морко, Эгерсола.



“Ямде лийлан” кеч-могай почто отделенийште кажне тылзын 15-ше кечыже марте возалташ лиеш!



Патырлык урок

Школышто Патырлык урок лие. Историйым туныктышо Людмила Николаевна Осинина 7-11-ше класслаште тунемше-влак дене викториным эрта-рыш. Тыге ме Российын историйжым шарналтышна. Конкурсышто Мария Кузнецова, Алексей Соколов, Алёна Рыбакова, Саша Быков, Саша Петухов, Даша Кошкина эн чолга лийыч. Вара тунемше-влак ече дене эстафетыште тагасышт. Сеңгышыш шымше класс лекте. Тыгак лийшаш ыле, вет Саша Рыбаков, Антон Хлыбов, Карина Бочарова, Вика Еменгулова Российысе ече тагасымаштат вий-куа-тыштым тергенит.

Кристина БЫКОВА.
Куженер, Конганур.

«Непобедимые» команде-влаклан шелалтна. Конкурс-влак онай да весела лийыныт. Мыланна пеш келшен. Сеңгышыш «Титан» команде лекте гынат, вес командын кумылжо волен огыл.

Виктория КОШКИНА, Юлия ОЧИЕВА.
Шернур, Кукнур.



«Зарничка»

Весела тагасымаш

4-ше классыште тунемше-влак коклаште весела тагасымашым Юрий Леонидович Ямбулатов эрта-рыш. Ме «Титан» ден

«Титан» ден

«Непобедимые» команде-влаклан шелалтна. Конкурс-влак онай да весела лийыныт. Мыланна пеш келшен. Сеңгышыш «Титан» команде лекте гынат, вес командын кумылжо волен огыл.

Виктория КОШКИНА, Юлия ОЧИЕВА.
Шернур, Кукнур.

Шукерте огыл тўналтыш класс-влак коклаште «Зарничка» модыш эр-тыш. «Ужар» да «Канде» команде-влаклан шелалтын, серышан пакетым кычална. Вара палемдыме кумдыкышто «мине»-влакым муаш кўлын. «Ужар» команде писырак лийын. Пырля туныктышына-влакат куржталыныт.

Тыгай онай модышым Лидия Викторовна Кошаева ден Юрий Евдокимович Сергеев ямдыленыт.

3-шо классыште тунемше-влак.
Волжский, Пётъял.

Кугешнена



Озаңгыште келшен

Озаңгыште креса-вам ила. Туддеке унала миенам. Зоо-паркыште шуко ян-лыкым ужынна, паркыште коштынна. Мый Озан олан лўмлө енже, Сююмбике кугы-жа, лийын онченам. Кремльыште шуко кў полатым ужынна. Кул-Шариф зданий мылам моткоч келшен.

Оля КОШКИНА.
Советский,
Кукмарий.

23 январьыште Буймо школна 120 ияш лўмгечыжым палемдыш. Пай-ремыш ятыр уна толын. Йоча-влак школнан историйже дене кылдалтше ятыр мероприятийым ямдыленыт. Тўналтыш класслаште тунемше-влак В.Б.Исенековын «Ямбердинын дивникше» книгаж почеш инсценировкым ончык-тенна. Валентин Борисович мемнан школым пытарен. Ме землякна дене кугешнена.

Вася ЮЗЫКАЕВ, 2-шо класс.
Татарстан, Агрыз,
Буймо.

тунемше-влак, мўнгыштына кажныже кор-мушкым ыштышна. Мыйынат тыгайрак лекте (снимкыште). Кызыт нуным садеш сакенна. Тушко эре кочкышым оптена.

Морко, Шўргыял.

Марий йыл-мым йўратем

Школышто руш, англи-чан, марий йылме-влакым тунемына. Мыланем марий йылме келша. Урокушто марла чын ойлаш тунемына.


Максим БОРИСОВ.
Советский, Ронго.

Кайык – мемнан йолташна

Мыланем биологий предмет келша. Тудым Надежда Геннадиевна Александрова туныкта. Ик урокушто кайык-влак нерген мутла-нышна. Телым нунылан кочкы-шым муаш йўсө. Ме,

тунемше-влак, мўнгыштына кажныже кор-мушкым ыштышна. Мыйынат тыгайрак лекте (снимкыште). Кызыт нуным садеш сакенна. Тушко эре кочкышым оптена.

Катя СЕРГЕЕВА.





Ик кечын Шернур посёлкысо 29-ше номеран пожар частышке экскурсий дене миенна. Тушто мо гына уке! Мемнам Ю.А.Богданов вашлийын. Пожарныйн вургемже, мо дене тулым йөрташ лийме, пожарный машина нерген каласкален. Юрий Анатольевичлан йодыш-влакым пуэденна. Экскурсий моткоч келшен, поснак рвезе-влаклан. Южышт пожарныйлан тунемаш каяш кумылангыч.

Анна ЗОРИНА, 7-ше «В» класс.
2-шо номеран Шернур школ.

Йоча писатель Надежда Ялкайнын шочмыжлан – 100 ий

Надежда ЯЛКАЙН (удыр лүмжө – Майда Сайфулловна Шамшиева) 1916 ий 3 мартыште Пошкырт кундемесе Реве



Лүмгече

ялыште (кызыт Бирск район) шочын. Школышто тунеммыж годымак возкалш тўналын. Илен-толын, писатель Яныш ЯЛКАЙНЫН пелашыже лийын. Произведенийже-влак калык тушманлан шотлымо марижыноро лүмжым пörтылтymeке гына савыкталташ тўналыныт. Йоча-влаклан “Йоча сад”, “Ошкылам пеленет”, “Онай пассажир” да моло книга-гам луктын.

Икымше вер!

Герой-антифашист-влакым шарныме лүмеш районьшто конкурс эртыш. Мый, Лиана Семёнова да Ольвия Васинкина татар поэт Муса Джалильын «Аван пайремже» почеламутшо почеш сценкым ончыктышна. 16 февральыште поэтын шочмыжлан 110 ий темын ыле. Иктагаш-влак коклаште икымше верыш лекна!

Диана СЕМЁНОВА.
Марий Турек, Арбор.

Теле кече,
йўштö кече,
Пушентат пörшан.
Пörт воктене йоча-влакше,
Куанен, кисам пукшат.
Валя ТОКТАРОВА.
2-шо №-ан Шернур школ.



Вучена серышдам

Куженер районысо ятыр школышто йоча-влак мари йылмым шочмо йылме семын тунемыт. Тугеже, «Ямде лий» йоча газетын тиражше ты районышто шуко лийшаш ыле. Но... сўрет вестўрлö.

Газетна 46 ешыш почто дене «мия». Юнкорна шуко манын огына керт. Конганур, Уштымбал школла гыч йоча-влак чўчкыдын возкалат. Шорсола, Руш Шой школла гыч коклан сералтат. Икмыняр ий ончыч Шўдымарий школ гыч моткоч шуко серыш редакцийыш пура ыле, кызыт иктат уке, манаш лиеш. Йывансола, Йўледўр школла гыч нимогай уверым огына нал.

Тидым шотыш налын, корнынам Токтайбеляк тўн школыш виктарышна. Мо онайже: ты школышто йоча-влак пеш чолга улыт, сайын тунемыт, тўрлö конкурсышто мастарлыкыштым тергат. Но тидын нерген газетна гоч нигö ок

увертаре. 5-7-ше класслаште тунемше-влак дене вашлийме годым (сним-



Н.Семёнован фотожо-влак.

кыште) «Рвезе йўк» конкурсышто танасен, пöлеклан планшетым налын кертыда» манын увертарымеке, ўдыр-рвезе-влакын шинчашт куан сескем дене волгалте. Вучена серышдам, йоча-влак!

Л.ГРИГОРЬЕВА.

Моло фотом «ВКонтакте» соцсетыште vk.com/yamde_lii электрон адрес дене ончыза.



Настя ден Владик Кошпаевмыт (снимкыште) икмыняр гана «Ямде лийыш» сереныт. «Ончыкыжым кылна пенгыдемеш», – ўшандарышт тунемше ден туныктышо-влак.

28 февральште финн ден карел-влак «Калевала» эпосын кечыжым палемдат. Эпосым 1835 ийыште шанчызе да поэт Элиас Леннрот савыктен. Тун герой – мурым мурышо шонго Вайнямейнен. Произведенийым Г.Матюковский, Семён Николаев марланденят.

Марий Турек район Лебедево гыч Юля АНТОНОВА темла: «Яра верыш цифр-влакым шындыза. Кажне секторышто вашмут 11 лийшаш».



Келшен илена

Ме, 4-ше классыште тунемше-влак, «Пеледыш» йочададыш коштшо ньога-влак дене келшен илена. Урок деч вара нунын деке модаш коштына. Икана нуным «Кок Йүштö Кугыза», «Порткайык дене олагорак», «Вараш» модыш-влак дене палымым ыштышна, пушкыдо лумышто шер теммеш почанна.

Кристина НИКИТИНА.
У Торъял, Тошто Торъял.



Телым шоншо мом кочкеш?

Тушто

Эрдене лоп-лоп, кастене лоп-лоп. Тушто кенегежым – теле, телым кенегеж.



Марина УРАЗАЕВА.
Морко, Шүргыял.

1.Энер дек вольшо бульвар кон лумжым нумалеш? 2.Кугыч ыштыме икымше черке. 3. ... лумеш Марий национальный драме театр. 4.Могай энер ола покшеч йога? 5.Йошкар-Олан ойырте малтше тусшо могай? 6.Йошкар-Олан икымше лумжю? 7.Йошкар-Олам ... манын лумденят. 8.Олан тун площадыше кон лумжым нумалеш? 9.Опер да балет театр тудын лумжым нумалеш.

Виктория ОСИПОВА.



КРОССВОРД



Сүретыште мыняр марап шылын? Кычал му.

Индекс
Распечатать - 52713, МАП - 78574.
Тираж 1300 экз. Заказ 579.
Формат – А-4-8.
Директор-тун редактор
Л.В.СЕМЕНОВА.
E-mail: yamde_lji@mari-el.ru,
yamde_lji@mail.ru
Сайтын адресше: yamde-lji.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, "Ям-
де лий" газет" кугужаныш
унитарный казенный
предприятий.

Газетым Массовый коммуникаций
сферыште да культур наследийым ара-
лымаште законодательством шуктен шо-
гымым эскерше Федеральнй службжым
Приволжский федеральный округысо уп-
равленийыштыже регистрироватыме.
Номер – ПИ №ФС 18-1999,
2005 ий 10 февральыште
пуымо.

Печатыш пуымо жап – 14-00,
фактически – 13-00.
Ак – кутырен келшыме
почеш.

Авторын да редакцийын шо-
нымашыт түрлө лийын кер-
тыт. Серыш-влак мөнгеш огыт
колталт.

Газетым редакцийыште погымо да верстатыме, «СТРИНГ» ИПФ ООО-што ямде
оригинал-макет гыч савыктыме. Типографийын адресше: 424006, Йошкар-Ола,
Строитель урем, 95.

Редакцийын да издательын
адресше: 424006, Йошкар-Ола,
СССР Вооружённый Вийын 70-ше
идалыкше урем, 20.




#КидетЛывыргеЛийже!

Мыйын хобби

Школ пелен калык прикладной усталык кружок шуко ий пашам ышта. Тыште йоча-влак кидпашалан тунемт. Алёна Рыбакова (снимкыште) – эн тале кид-мастар. Тудо квиллинг, канзаши, оригами технике дене йомакысе гай сӧрал арвер-влакым ышта.

Кагаз модуль гыч ыштыме пашаже моткоч шуко. Кызыт ўдыр, атлас ленте гыч тўрлӧ пеледышым ыштен, онай композицийым сӧрастара. Алёна районсо да республикысе конкурслаште шуко гана сёгыше лийын. Шукерте огыл Куженер библиотекеште тудын пашаже-влакым калыклан ончыктым. Алёналан умбакыжат усталык вийым тыланена.

С.АТРИФОНОВА,
технологийым туныктышо.
Куженер, Конганур.



Тыйын але йолташетын хоббида могай? Возен колто.



Йӧратымашын вийже

Йӧратымаш деч кугу шижмаш тўняште эше мо уло? А.С.Пушкин «Евгений Онегин» романыштыже кугу йӧратымаш нерген возен. Евгений Онегин ала-мыняр ий гыч Татьянам ужмеке «шулен кая». Вот йӧратымашын вийже могай. Ёшанымаш нергенат мондыман огыл. Тудат айдемын чонжым арален кода. Лач тыгаяк Татьяна. Эх, кузе тудын гай лияш?
Милена СМОЛЕНЦЕВА.
Морко, Коркатово.



Шкетын улмем годым вуй Мый тыге шонем йырем илыш нерген шонкалымаш-влак пӧрдыт. Очыни, кугу лиям. Вашке школым тунем пытарем, шочмо суртем деч ойырлаш жап шуэш. Ончылнем кумда илыш корно почылтеш. Мо мыйым вуча? Шонкален-шонкален, илыш нерген тыгай лончо (принцип)-влакым шонен муым.

ОНЧЫКЫЛЫК ИЛЫШ нерген

- 1 Илышыште чын да волгыдо корным ойырен налаш манын, школышто сайын тунемаш кўлеш. XI курымшто кўшыл шинчымаш деч посна илаш йӧсӧ лиш. Тунемман!
- 2 Тылат могай профессий келша, кызытсе илышыште тугайым ойырен налаш йӧн уло. Кок-кум специальностян лият гын, эшеат сай.
- 3 Мый тугай жапыште илем, кунам ўдыр-рвезе-влак эре телефон да компьютер дене шинчат, уремышке модашат огыт лек. Ег-влак ваш ужын кутырым чарнат. А поро мут эм гай, маныт. Айста, йолташ-влак, чўчкыдынрак пырля вашлийына!
- 4 Кызытсе илыш мыйынат чонем тургыжландара: осаллык озалана, икымше верыш окса лектын, ег-влак поянлан да нужналан шелалтыныт, сар лўшка. Кузе тиде саманым вашталтыман?

Аделина ЯМБАТРЕВА,
9-ше класс.
Параньга, Элпанур.



Йӧратыме рвезына нерген ваш-ваш ойлена. Ойырлена гын ик жаплан, чот йокрокланена. Лым лийде мутланена. вашлиймек. Тунеммаште икте-весеылан полшена. Амал деч посна пӧлекым ыштена. Школьшкат, мӧнгышкат пырля ошкылына.

Газетым Печать да массовый коммуникаций шотышто федеральный агентствын финанс полшымыш дене лукмо.

Модшо-влак:
Кова, Даша ден
Андрей уныкаже-
влак.

Кугу улам

кугу лийын!» манын
кугешнен каласен
кертам.

Андрей: Нимат шым
умыло.

Андрей: Тенгече
шочмо кечем ыле. Ынде мый
кугу улам. Мом шонем, тудым
ыштген кертам!

Даша: Але пеш кугужак
отыл, 13 ийым веле теме-
нат.

Андрей: Кугу улам!
Садлан таче дискотекешке
каем, нигө нимом ойлен ок
керт.

Даша: Йоңылыш лият.
Авам вурсаш тўналеш. Ме
эше йоча улына, садлан
ача-аван мутыштым
колышман.

Кова толеш.

Кова: Поро кече, уны-
кам-влак. Мо нерген ўча-
шеда?

Даша: Тачысе кече гыч
Андрей «Мом шонем,
тудым ышташ тўналам»
манеш.

Кова: Тенгече 13 ийым
темыш, садлан тыге шона,
очыни.

Андрей: А мо?! Мый ынде
кугу улам.

Кова: Уныкам, тунам
кугу лият, кунам ушым
поген шуктет.



Инсценировка

Андрей: Кузе туге?

Кова: Кунам ыштыме
пашатын сай але осал
улмыжым умылен шуктет,
тунам мыят «О-О, уныкам

Кова: Урем гыч жапыш-
тыже от пўртыл гын, тиде
сай але осал?

Андрей: М-м-м, осал.

Даша: О-о-о, изай, вуй-
дорыкет тарванылаш
тўнале аман!

Кова: Теве тыге кажне
пашатлан акым пуэн кер-
тат гын, тугеже кугу лий-
ынат.

Андрей: У-у-уй, кажне
кечын тыге вуйушым
пудыратылман?

Кова: А мо шонет?

Андрей: Ай, тугеже але
кугу ынем лий.

Кова: Йоча-влак, а те
кузе шонеда: кугу лияш
куштылго але неле?

Елена ЮНУСОВА.

Звенигово, Кужмара.

Россий Федерацийын Конституцийын 60-шо статьяж
дене келышыш, 14 ияш марте рвезе але ўдыр йочалан
(малолетний) шотлалеш. 14 ияш ийготыш шудымо
(несовершеннолетний) але подростко лиеш. 18 ийым
темыек, те кугыен-влак радамыш ушнеда, але вес
семынже каласаш гын, совершеннолетний лийыда.
Тылеч вара те шке илышланда шке оза лийыда, права-
да да обязанностьда-влак лектыт.



**Марий Эл
Республике
Вуйлатыше
пелен йоча-вла-
кын правашт
шотышто
Уполномочен-
ный Е.П.Бурдо:**

Йочан тазалыкшылан, кап-
кылжылан, уш-акылжылан,
психикыжлан, шўм-чонжылан
да нравственный виянма-
шыжлан эңгек ынже лий
манын, тыгай закон уло:

уремыште, стадионышто,
скверыште, ен-влак куда-

лыштме транспортышто, тыгак моло вере, кушто шуко
калык погына, йоча-влак (кө 16 ийым темен огыл) йўдым (22
гыч 6 шагат марте, а кенежым 1 июнь гыч 31 август марте
– 23 гыч 5 шагат йотке) ача-авашт (але нуным алмаштыше)
деч посна лийшаш огытыл. Але кунам шинчымашым пуышо,
воспитатлыме, тазалыкым аралыме, йоча-влакын социаль-
ный аралтышышт, адаптацияшты да реабилитацияшты
шотышто, тылеч посна моло мероприятийым эртарыме
годым, кушто адакат йоча-влак улыт,
тиде пашам шуктышо кугыен лий-
шаш. Интернет улман, ужалыме да
кочмо, жапым веселан эртарыме
верлаште, кушто алкогольым ужа-
лат – тыгай верлаштат йоча-влак
ача-авашт (але нуным алмаштыше-
влак) деч посна коштшаш огытыл.

**Йочан праважым аралы-
ме шотышто йодыш дене
тыгай адрес дене толаш да
приёмшы возалташ лиеш:
Йошкар-Ола, Ленин проспект,
29-ше пўрт. Телефон:
8(8362) 64-18-47**

Дискотеке
Дискотеке
Дискотеке

НАСТЯ

(Советский,
Кельмаксола, 9-
ше кл.):

- Дискотекеш южо
каньш кечын миен
толам. Пайрем лўмеш -
У ий, 8 Март, Школ
дене чеверласыме кас -
школышто эртаралт-
ше дискотекеш кум
йолташ ўдырем дене
нунышт 16 ийым


темын) лек-
там. Падем:
закон почеш
22 шагат
марте уре-
м ыш т е
лийын кер-
там.



Лүдыкшыдымө Интернет

Интернет – нимучашдыме увер тўня. Тушто шинчымашым келгемдаш полшышо шуко ум, күлешаным, оңайым муаш лиеш. Интернет – йолташ дене мутланаш, у йолташ дене палыме лияш сай йөн. Но виртуальный тўнян сай могыржо деч посна осалжат моткоч шуко. Интернетыште ыштыме ик йонгылыш ошкыл шкалан веле огыл, тыгак лишыл енлан, ача-авалан кугу ойгым конден кертеш. Нелылыкыш логалаш огыл манын, икмыняр ойканашым темлена. Нуным тўткын луд да йолташет-влакым палдаре.

ШЕКЛАНЕ:
вирус-влак да энгекым ыштыше түрлө программе (черви, троян)



Палыдыме файлым ит арале да ит поч.


Торжа ен да хулиган-влак (тролль, провокатор) деч кузе аралалташ?

Пеш осал да торжа ен-влак түрлө сайтыште, форумышто але чатыште вашлиялтат. Нуно тыланет кумылетым кодышо күлеш-оккүл сүретым колтылын, түрлө семын шүктарен кертыт. Лүмешет уда SMS толын гын, лунун дене мутланым чарне. Интернет гоч тыйым лүдыктылыт гын, ача-авалан каласаш ит лүд. Вес айдемым тўшкан шыгыремдымашке нигунам ит ушно. Тыгай ен-влак дене кылым вигак күрл.

Интернетышке компьютер гоч пурет. Кеч-могай компьютерлан (шкендын, школын, библиотекеын) энгекым вирус-влак ыштат. Вес семын энгекым ыштыше программе маныт. Нуно күлешан уверым “үштын” але Интернет гоч оксам шолыштын кертыт.

Компьютерым аралаш манын, лүмын программым але фильтрым шындыме. Настройкышто нимом ит вашталте! Вирус ваштареш улшо программе лүдыкшө сайтыш пураш огыл манын күшта гын, йодмыжым шукто.

Шкендын логин ден паролетым нигөлан ит ойло, Интернетыш ит лудк.



Интернетыштат ондалкалыше, шолыштшо-влак улыт. Тидын нерген эре шарне да аралалташ тырше.

1 Шке адресетым да телефон номеретым палыдыме енлан ит ойло да Интернетыште ит возо. Ача-авалан ойлыде, фотографииетым нигушко ит колтыл. Ондалыше-влак тиде уверым тыйын але лишыл енет ваштареш кучылтын кертыт.

2 Иктаж-могай конкурсыш ушнаш шонет гын, ончыч ача-авалан каласе.

3 Интернет гоч палыме лийме ен деке уналыкеш каяш ит тошт.

4 Вашлияшак кутырен келшенда гын, калык коштмо верыште вашлийза. Лишыл йолташ але ача-ава пырля лийышт.

Тест Шкендым терге!

1) У йолташетын «ВКонтакте» социальный сетьюсе страничыштыже икияш улмыдам ончыктым. Тудо икте-весе дене фотографий дене вашталалташ темла.

А. Ончыч тудыным йодам, вара ижемыным колтем.

В. Ача-ава дене канашем.

2) Чатыште (посна группышто) тыйым мыскылен возеныт.

А. «Шке окмак улат» манын вашештем.

В. Мутланымым чарнем.

3) У йолташет «уда койышан ўдырын» фотографийжым да телефонжым палымет-влаклан колтылаш күшта.

А. Уда койышан улмыжым доказатлаш йодам.

В. Вигак тореш лиям.

4) Тыланет «Провайдер деч» манын возыман серыш толын. Тушто Интернетыш пураш логин ден паролетым йодын возымо.

А. Парольжым гына колтем: логинжым нуно иже палышаш улыт.

В. Серышым спам семын палемдем.


ЫНДЕ ВАШМУТЫМ ШОТЛО:

4 «А» – тый але шукужым от пале.
3 «А» да 1 «В» – савыктыме ойканашым тўткын луд.

2 «А» да 2 «В» – удажак огыл, но шкендым тўрыс арален от мошто.

1 «А» да 3 «В» – шукужым палет, но лшкыдо верет але уло.

4 «В» – Молодец! Интернетыш лүдде пурен керташ.



Лаштыкым **Марий Эл Республикасые МВД-н пресслужбыжо** полшымо дене **Л. ГРИГОРЬЕВА** ямдылен.

Колышт, йолташем

2016 ий 27 февраль

12+



Келшымаш пушенге

Сочиште канымем годым экскурсий дене кушко гына миен омыл! Но эн чот Келшымаш пушенге öрыктарен. Тудо кугу садыште кушкеш. Шуко эл гыч учёный-влак толын, ты пушенгеш түрлө кушкылын укшлажым иландареныт. Келшымаш пушенге – мыланна кузе илаш күл-мын примерже. Түня икте, а калык шуко. Койыш-шоктыш дене ме түрлө улына, южгунам вурсе дымаш, вашумылыдымаш, кредалмаш лиедат.

Ик пушенгыште ятыр түрлө фрукт шочеш. Ик укшышто мандарин, весыште грейпфрут, кумшышто апельсин да нылымшыште эше весе кушкыт.

Сочиште кушшо пушенге семынак меат ваш-ваш келшен илышаш улына.

Мария ЯКОВЛЕВА, 8-ше класс.

Морко, Эгерсола.

Түнжаште келшымаш деч сайже нимо уке; илыш гыч тудым йжтыл кудалташ гын, тидыже кече волгыдым петырме дене иктак лиш.
Цицерон.

Пенгыде келшымаш куаным кок пачаш ешара да ойгым тынарланак луштара.
Фрэнсис Бэкон.

Келшымашын вийже висаш лийдыме: йöратымаш дене таңастарымаште тудо утларак кужун да орланен кола.
Оскар Уайльд.

Смайлик-влак полшымо дене лүметым возо.

Дискотеке
Дискотеке
Дискотеке

“А таче дискотеке, муро сем йоҥга. Ёдыр-рвезе-влак, эр марте канена. Йүдошт мурсем ок чарне, Пырля темнам ушен, Мөңгö кайыметш Кухтен, шерна ок тем”.

Алёна (Советский, Öрша, 8-ше кл.):

– Ме, тунемше-влак, түрлө пайрем вашеш ялысе тўвыра пöртыштö концертим ончыктена. Вара дискотекем эртарена. Ачава, туныктышо да йоча-влак пырля куштена. Лу шагат кас марте веселитленат, пырля погынен, мөңган-мөңгышкö каена.

Умбақыже – 3-шо лаштыкыште.

А	👉	З	🌮	П	👠	Ч	💪
Б	🍓	И	😊	Р	⭐	Ш	👿
В	🙈	Й	❤️	С	👗	Щ	🍟
Г	👩	К	👱	Т	😍	Ъ	☀️
Д	🎀	Л	💙	У	👧	Ы	💋
Е	🌹	М	😎	Ф	👍	Ь	💚
Ё	💜	Н	👑	Х	🍒	Э	🍰
Ж	😊	О	🌸	Ц	😬	Ю	👶
						Я	💄

Еным пагалыман

Йоча-влак изинек кугурак-шамычым пагалышаш, изирак-влакым чаманышаш улыт. Тыге марий тоштыен ой ойла. Сай ден осалыжат ойырен моштыман. Тыге веле ончыкыжым еҥ-влак коклаште ваш пагалымаш озалана.

Морко, Шүргыял.

Арнольд ВАСИЛЬЕВ.